

观自在菩萨如意 心陀罗尼咒经

唐三藏法师义净奉 诏译



南無本師釋迦牟尼佛

說明

本繁體校正版《觀自在菩薩如意心陀羅尼呪經》电子书，根据《乾隆大藏经》大乘五大部外重譯經，第 0319 部，唐三藏法师义净奉诏译《觀自在菩薩如意心陀羅尼呪經》原藏影印本校正，句讀僅供參考。

本電子書是免費結緣品，特此說明。

仁慧草堂

二〇一八年十一月



掃碼關注仁慧草堂微信公眾號

●起誦儀

香讚

(一編)

爐香乍爇. 法界蒙薰. 諸佛海會悉遙聞. 隨處結
祥雲. 誠意方殷. 諸佛現全身.

南無香雲蓋菩薩摩訶薩 (合掌三稱)

淨口業真言

(三編)

唵. 修唎. 修唎. 摩訶修唎. 修修唎. 薩婆訶

淨三業真言

(三編)

唵. 娑嚩. 娑嚩秫馱. 娑嚩達摩娑嚩. 娑嚩秫度憾.

安土地真言

(三編)

南無三滿多. 母馱喃. 唵. 度嚕度嚕. 地尾. 娑婆訶

普供養真言

(三編)

唵. 誝誝曩. 三婆嚩. 禡日囉斛

南無本師釋迦牟尼佛 (合掌三稱)

開經偈

(一編)

無上甚深微妙法 百千萬劫難遭遇
我今見聞得受持 願解如來真實義

觀自在菩薩如意心 陀羅尼呪經¹

唐三藏法師義淨奉 詔譯²

如是我聞：

一時，薄伽梵在伽栗斯山，與大菩薩無量眾俱。

爾時，觀自在菩薩摩訶薩來詣佛所，頂禮雙足，右繞三匝，以膝著地，合掌恭敬白佛言：「世尊！我今有大陀羅尼明呪大壇場法，名青蓮華頂栴檀摩尼心金剛祕密常加護持，所謂無障礙觀自在蓮華如意寶輪王陀羅尼心呪，第一希有，能於一切所求之事，隨心饒益，皆得成就。世尊大慈！聽我說者，我當承佛威力，施與一切眾生。世尊！此陀羅尼有大神力，大方便門，我今親對佛前次第宣說，惟願世尊垂哀加護，於我及一切持明呪者，雨妙珍寶猶如意樹，生如³意寶珠。於諸眾生，令其所有悒求，應時果遂。」

爾時，世尊讚觀自在菩薩言：「如是！如是！汝能悲愍諸有情類，我加護汝，即對我前，令汝

¹ 大正藏：佛說觀自在菩薩如意心陀羅尼呪經

² 大正藏：唐三藏法師義淨奉制譯

³ 大正藏：如

願求一切滿足。汝欲宣說無障礙觀自在蓮華如意寶輪王陀羅尼者，最極甚深，隱密心呪隨汝意說。」

時，觀自在菩薩既蒙佛許，悲願盈懷，即於佛前，以大悲心而說呪曰：

南無⁴佛馱耶 南無⁵達摩耶 南無⁶僧伽耶
南無⁷觀自在菩薩摩訶薩 具大悲心者 怛姪他
菴⁸斫羯羅伐底 震多末尼莫⁹訶 鉢蹬謎 嚕嚕
嚕嚕 底瑟佉¹⁰ 篋^{入聲}擲 痾羯利沙也 吽發莎訶

次說大心呪：

菴¹¹鉢踏摩 震多末尼 篋^{同前}擲吽

次說隨心呪：

菴¹²跋刺陀鉢亶謎吽

爾時，觀自在菩薩摩訶薩說是大輪陀羅尼呪王已，即時大地六種震動，諸有天宮、龍宮及藥叉宮，健達婆、阿蘇羅、緊奈羅等宮殿，亦皆旋轉迷惑所依；一切惡魔為障礙者，見自宮殿皆悉焰起，無不驚怖；惡心眾生、惡龍、惡鬼、藥叉、羅刹皆悉顛墜；於地獄中受苦眾生，皆悉離

⁴ 大正藏：謨

⁵ 大正藏：謨

⁶ 大正藏：謨

⁷ 大正藏：謨

⁸ 大正藏：唵

⁹ 大正藏：謨

¹⁰ 大正藏：他

¹¹ 大正藏：唵

¹² 大正藏：唵

苦，得生天上。于時會中，於世尊前，天雨寶華、寶莊嚴具；於虛空中，奏天妓樂，出種種聲，廣陳供養。

爾時，世尊以美妙音，讚觀自在菩薩摩訶薩言：「善哉！善哉！觀自在，汝所宣說是大呪王，實難逢遇，能令眾生求願滿足，獲大果報。若誦此呪，所有法式，我今當說。

「若有善男子、善女人、苾芻、苾芻尼、鄔波索迦、鄔波斯迦，發心悕求此生現報者，應當一心受持此呪，欲受持時，不問日月星辰吉凶，并別修齋戒，亦不假洗浴及以淨衣，但止攝心口誦不懈，百千種事所願皆成，更無明呪能得與此如意呪王勢力齊者。是故，先當除諸罪障，次能成就一切事業；亦能銷除受無間獄、五逆重罪；亦能殄滅一切病苦，皆得除差；一切重業悉能破壞。諸有熱病，或晝或夜，或一日瘡，乃至四日瘡，風黃痰癢，三焦¹³嬰纏，如是病等，誦呪便差；若有他人厭魅蠱毒，悉皆消¹⁴滅，無復遺餘；假使一切癰癭惡瘡、疥癩疽癰周遍其身，并及眼、耳、舌、脣、口、牙齒、咽喉、頂腦、胸脇，心

¹³ 大正藏：集

¹⁴ 大正藏：銷

腹、腰背、脚手、頭面等痛，支節煩疼，半身不隨，腹脹塊滿，飲食不銷，從頭至足，但是疾苦，無不痊除。若有藥叉、羅刹、毗那夜迦、惡魔、鬼神諸行惡者，皆不得便。亦無刀杖兵箭、水火惡毒、惡風雨雹、怨賊劫盜能及其身。亦無王賊，無有橫死，來相侵害。諸惡夢想、虵蛇蝮蠍、守宮百足及以蜘蛛、諸惡毒獸、虎狼師子悉不能害。兵戈戰陣，皆得勝利。若有諍訟，亦得和解。若誦一遍，如上諸願¹⁵悉皆遂意。

「若日日誦一百八遍，即見觀自在菩薩告言：『善男子，汝等勿怖，欲求何願一切施汝。』阿彌陀佛自現其身，亦見極樂世界種種莊嚴，如經廣說；并見極樂世界諸菩薩眾；亦見十方一切諸佛；亦見觀自在菩薩所居之處——補怛羅山。即得自身清淨，常為諸王、公卿、宰輔恭敬供養，眾人愛敬。所生之處，不入母胎，蓮華化生，眾¹⁶相具足。在所生處，常得宿命。始從今日，乃至成佛，不墮惡道，常生佛前。」

爾時，觀自在菩薩白佛言：「世尊！此栴檀心輪陀羅尼如我所說，若苾芻、苾芻尼、鄔波索

¹⁵ 大正藏：事

¹⁶ 大正藏：諸

迦、鄔波斯迦，若有至誠心所憶念，能受持者，必得成就。惟須深信，不得生疑！」

更有藥法在本
藏中此隱不出

爾時，世尊讚觀自在菩薩言¹⁷：「善哉！善哉！汝大慈無量，乃能說此微妙如意心輪陀羅尼法，於瞻部洲，有諸眾生，發心口誦，即得親驗。汝依我教，於諸有情，數數勤加策勵示誨，令得證驗，為現其身，莫違我勅，我當隨喜。」

時，觀自在菩薩白佛言：「世尊！我於無量劫來，以慈悲心，於受苦眾生，常作擁護，唯¹⁸願證知，為眾生故，說此如意輪陀羅尼。若有受持，常自作業，專心誦者，所願成辦。我今承佛威力，如是救苦。」

爾時，觀自在菩薩說此如意輪陀羅尼經已，一切大眾，皆悉歡喜，信受奉行。

觀自在菩薩如意心陀羅尼呪經

¹⁷ 大正藏：薩

¹⁸ 大正藏：惟

● 結誦儀

補闕真言

(三編)

南無喝囉怛那. 哆囉夜耶. 佉囉佉囉. 俱住俱住.
摩囉摩囉. 虎囉. 吽. 賀賀. 蘇怛那. 吽. 潑抹拏. 娑
婆訶.

補闕圓滿真言

(三編)

唵. 呼嚧呼嚧. 社曳穆契. 莎訶

普迴向真言

(三編)

唵. 娑麼囉. 娑麼囉. 弭麼曩. 薩嚩訶. 摩訶斫迦囉
嚩吽

南無佛 南無法 南無僧 (合掌三稱)

南無本師釋迦牟尼佛 (合掌三稱)

南無觀自在菩薩摩訶薩 (合掌三稱)

南無護法諸天菩薩 (合掌三稱)

禮觀音文

(一遍)

清淨三業，一心五體投地，歸依南無十方慈父廣大靈感觀世音菩薩。

我聞菩薩，從聞思修，入三摩地，得二隨順，四不思議，十四無畏，十九說法，七難二求，三十二應，無量功德，興大威力，發大誓願，同流九界，六道四生，生死趣中，興百千萬億無量恒河沙劫數，善行方便，救度拔濟一切眾生，無有休息。我今哀求，必賜加被。

伏念(某甲)夙生慶幸，得遇佛乘，身苦塵緣，心多散亂(若出家者改為)身雖出家，心不染道，愚癡邪見，諸根昏塞，內外經書，雖于習學，章句妙理，無所通曉，又恐福力淺薄，壽命不長，徒得人身(若出家者改為)徒入空門，虛生浪死。我今洗心泣血，稽顙投誠，終日竟夜，存想聖容，受持聖號，禮拜聖像。惟願菩薩，天耳聞聲，悲心救苦，憐愍加被，放大神光，照我身心，傾大甘露，灌我頂門。蕩滌累世怨愆，洗潔千生罪垢。身心清淨，魔障消除。晝夜之間，坐臥之中，觀見菩薩，放大神光，開我慧性，使我(某甲)，即時神通朗發，

智慧聰明。一切經書，自然記憶。一切義理，自然通曉。得大辯才，得大智慧，得大壽命，得大安樂。參禪學道，無諸魔障，悟無生忍。世世生生，行菩薩道。四恩總報，三有齊資。法界眾生，同圓種智。

迴向偈

(一編)

誦經功德殊勝行 無邊勝福皆迴向
普願沉溺諸有情 速往無量光佛刹
十方三世一切佛 一切菩薩摩訶薩
摩訶般若波羅蜜

迴向偈

(一編)

願以此功德 莊嚴佛淨土
上報四重恩 下濟三途苦
若有見聞者 悉發菩提心
盡此一報身 同生極樂國

三皈依

(一編)

自皈依佛，當願眾生，體解大道，發無上心；
自皈依法，當願眾生，深入經藏，智慧如海；自
皈依僧，當願眾生，統理大眾，一切無礙。和南
聖眾。



此咒置經書中可滅誤跨之罪

南无护法韦驮尊天菩萨

